

姚升宇先

宗稿

其子宗文尚書



二十世祖升字公諱應龍諸生時以學行聞舉明隆
慶丁卯鄉薦仕旌德松陽二令遷閩漳海防同知有
善政事載邑乘其文藝詩稿及字蹟至今鮮有存者
正深慨嘆己丑春從叔守封忽出是稿示翰竊幸
公之遺稿尚有存焉曷勝欣喜敬讀之下如見先人
因照錄一本珍藏之第原本字蹟非公之親筆亦
係後人所錄其中訛字錯句止屬不少翰不敢妄易
亦仍其舊而已

道光十一年歲次辛卯春三月上巳後一日九世孫鳳翰謹識



巢鵲樓吟稿

姚應龍升宇氏著

九世孫鳳翰敬錄



題葡萄四首

秋滿華林玉露垂翠幃朱顥正離蓬壺欲采成
金醴飛騎何煩進荔枝

累、馬乳雨初收滿架虬龍穗耐秋但得文園消
病渴肯將斗酒換涼州

大宛靈根入帝圖凝雲青蔓最扶踈試看古幹多

秋實疑是虬龍抱麗珠

雲橫遠樹籠秋色龍臥滄江起怒濤人散尊空孤
劍在臨風長憶霍嫖姚

一拙居

昔賢卜築傍愚溪君復新營一拙居
世事覺來蝴蝶夢賢愚工拙竟何如

閒亭

百尺幽亭一碧山肯輸桑者獨閒
相逢我亦逃名客
共看青天寶窟還

高山流水亭

閒拂金徽一暢神獨憐旅操不宜人
絕弦莫訝知音少彈到無聲調始真

咏燕

烏衣使者掠天風仙杏花繁耀日紅
正是上林春色好五雲深處下重

青山古木小亭幽萬頃滄浪不放舟橫笛夕陽何
款乃數聲吹徹楚天秋

玉屑飛、凍碧湍流蓬高卧亦袁安懸知不是
耽清夢要與乾坤守歲寒

別王彩瑜妓

曾借清風半榻眠琵琶傍枕倦調絃空色元

如許浪說人間未了緣

其二

風塵羈客重歸來別緒滂、未易裁枕共珊瑚思
繾綣月殘鼓角動中懷

苦雨

走電轟雷勢欲傾披衣危坐旅魂驚隔岸隣童子
爭相報一夜南偏水到城

聞蟬

去國懷鄉思黯然忽驚高柳咽鳴蟬推窓欲聽又
飛去正是斜陽雨後天

出左掖門為王內史題

湯^出龍城在掖西上途臺殿五雲迷宮花艷瀨明
仙杖楊柳依稀繞御堤天祿草書傳紫誥老人分
燭杖青藜金蓮未賜歸來晚滿路香風逐馬蹄

早朝

東方錯落明星稀城闕縹緲紅雲飛雞人忽鳴宮

漏蚤佩環時動春風微遙瞻日月移宮扇每憶文
章上衮衣報答昇平殊未已鳳毛隨步點黃扉

送王總戎赴蜀

維州西控巴江險玉壘秋高太白低元老昔為大司
馬將軍新拜漢征西成樓鵬^鵬落風雲壯戰野霜嚴
鼓角稀慷慨此身期報主肯令河外有羌羣

登上洋城

西風吹我獨登臺俯仰乾坤亦壯哉落莫自慙題

客經綸須伏濟時材窗橫海嶽三山並劍拂烟霞
萬里望經開此地最堪西望北五雲多處是中台

有感書畫

岩前老樹秋還青巖下孤蓬泊淺汀夜靜一歌人
不識自家吹與自家聽

過釣臺

乾坤二釣臺古今兩釣者我來一登臨清風滿四野

西湖行

湖波千頃正海風吹樹亂影飄搖掩映芙蓉萬種
箏竿粉黛千嬌飛鳥翻空遊魚吹浪細雨瀟。玄
霍已隨仙侶白雲時瑣山腰嬉遊盡羅綺。臺閣帶
烟霄石上三生芳躅在松中九里暗塵消湖山千古
恨。無景更無聊且休論此興彼廢物換人銷但樓
舡多載酒任教頽倒玉山高急呼蘇小扶我過孤
峰六橋醉來豪思把望湖樓下水與雲寬窄都寫
在詞騷

客懷

千里家何在，三春事已非。
烏啼紅欲瘦，斗轉綠應肥。
青海忽傳箭，高臺空振衣。
故山看不極，眇眇白雲飛。

客中長至

獨立乾坤百慮賒，年長至客天涯。
風前把酒哀黃燭，海上懷珠望翠華。
落莫孤灯驚醉眼，蕭條雙劍難無家。
月明滿地輕寒散，春入江梅欲放花。

紀夢

風塵客子謫仙才，飛步曾過瑩臺。
自昔雨雲多眷媿，于今鼓角動中哀。
良宵寐、渾難曙，幽恨湧、不易裁。
迢遞巫山高，十二殷勤勞爾夢中來。

飲鮑美人館

客窓竦索午風微，步向青樓叩石扉。
見我便呼姚學士，憐卿元是鮑君徽。
頻催玉液添微暈，初試霓裳閃落暉。
逸少若還嫌晝短，不妨騎月霍月中歸。

豪吟

華壯矜期尚轉蓬一教清嘯落長虹浪游已覺三山
小極目應知八表空怒挽角弓懸若木醉飛玉劍倚
崆峒丈夫立地登霄漢萬里雄風駕白龍

紙寫詩和羅西泉兵憲韻

毓秀渭川丰骨良湯裁雪楮如霓裳吹噓幸際東
風便拘繫猶憐一線長萬里雲霄翻羽翮九天烟霧
落宮商東君肯借扶搖力直與鷗鵬共頡頏

登報恩寺塔

千尺浮圖倚上京趙張携我此同登龍江夾樹蟠畿
甸王氣連雲繞禁城浪跡江湖應有思達觀民物摠
閔情清風兩掖吹人去直上雲霄第一層

雲龍樓眺遠有懷羅西泉

客鄉愁思正搖，又上危樓望泐寥十載星霜空綠
鬢一時登覽近青霄雲橫遠樹籠秋色龍卧滄江
起怒濤世路何人抱高誼臨風長憶霍嫫姚

登霍亭

巨浸平原海上城，亂雲殘靄自縱橫。
憑虛臺榭詩懷壯，極目關河旅望驚。
古木歸鴉翻夕照，長天過雁落秋聲。
振衣便欲騎鳶去，豈學悲歌阮步兵。

送羅西泉兵憲出鎮

文犀十萬簇金鞵，紫馬將軍下北川。
心繫碧天憂杞國，手扶紅日洗靈淵。
青龍釵拂高梧月，去羽旗翻細柳烟。
會見飛書三報捷，勒功應可到燕然。

南屏

雲移洲渚樹迴寧，東汎湖光十里閒。
逸客風流同白纈，道人詩句說青山。
天留晚景平波上，鷗落漁家亂竹間。
此意與君須領畧，菰蒲明月棹歌還。

送盧總戎致政

名鐘

平生不數霍驃姚，萬里鷹揚蓋世豪。
榮逼台階老功成，血戰不言勞。
花間今喜聞雙屐，月下猶思撫六韜。
此日太平身獨樂，將星光燭海天高。

題秋水芙蓉

江畔芙蓉自陸離不隨紅紫逐芳菲西風脫盡亭皋
木國色初開潑艷枝滿眼波濤原不畏一天霜露亦
相宜定知蚤發多先萎莫笑此君開得遲

壽海洲陳大叅

名茂義

花甲初週陸地仙瑞星移彩照塵寰清風在昔輕
金紫碩望于今重斗山畫錦堂前翔鳳翥壽萱亭
下舞衣斑懸知明德膺殊眷姹女何須視九還

金陵道中

匹馬長驅出鳳丘輕袍弱柳自悠悠蒼岡北走僊風
迅古霧南來王氣浮塵跡每驚蝴蝶夢春心只在
杜鵑喉若教遊士編新傳借問吾當第幾籌

九日虞楊二春元招飲光孝寺奉鄭學博

登臨何處好古刹對滄江行脚僧歸渡迎風香滿窗
踈狂憐我獨圭壁羨君雙擊劍高秋應夜知鬼胆降

其二

蕭寺重陽日黃花開未齊雨來愁白紵葉墮染紅泥

選勝登雲岫，歸途亂馬蹄。醉眸仍遠望，陡覺萬峰低。

舟中

鼓棹烟江映秋深，玉宇清林踈。田夕照水落急灘，敲
雅有溪山癖。原無寵辱驚，推蓬舒咲處。點白鷗輕

送林立壺

壺山壁立海天雄，晴日飛來翠萬重。絕巘能由高士
屐，洞門時引白雲封。秀凝玉几誇三絕，香度薇花繞
七松。何事年來風雨急，俯看蘭水躍潛龍。

岳伯勳名夙有聞，翩翩俠氣又逢君。元標真羨青雲
器，醉墨偏書白練裙。剪燭危樓誰說劍，解衣禪榻
共論文。相逢蒙思投轄未許歸，眠海上雲。

登泖心寺

河漢曾乘犯斗槎，浮圖絕頂散青霞。香飄臺殿凝
雲氣，風潤湖天捲浪花。靜息鷗機飛復下，坐移樹
影直還斜。登臨正適同春日，烟火遙看百萬家。

次韻懷泖心勝游

文侯尋勝取仙槎，獨上曹溪餐紫霞。
漱艷湖光開玉鏡，鬱藍山色映曇花。
星浮淺浦漁燈亂，字落平波鷹影斜。
愧我未離塵海劫，何時解帶遠公家。

· 蕉扇

六角爭誇逸少工，未如蕉葉出天功。
新條曾掩山中鹿，嫩綠時搖庭下風。
團扇展來朝弄月，飛螢播覆夜流虹。
懸知用舍隨時節，不逐班姬感慨中。

· 次振翁韻

翩拂袖向夷門，一壑烟霞穩夢魂。
病卧經旬詩骨瘦，醉看長劍壯心存。
丹山紫靄詩中景，細雨輕寒江上村。
莫笑空囊難進客，床頭春釀正盈尊。

· 紀夢

結客英年意氣都，拂衣歸卧碧山湖。
無端夢入新豐醉，盡是高陽舊酒徒。

· 齋居

久不牽塵網，齋居得自由。
獨眠長榻足，燕起每科頭。

山色窺簾入潮散夾對流浮生惟劇飲自號醉鄉侯
病起

一枕清齋夕蕭疎似病僧竹爐烹石髓藥裹對寒燈
有相田三界無心憶五陵開籠放老宦飛破萬山青

· 堯花

潇潇風雨幾旬羸得堯花滿運新携酒對花殊不
俗白頭猶醉武陵春

經

· 書懷

壯歲多奇氣縱橫可食牛相寒空役々時去合
休々病不親圖史間惟事釣游狂來舒望眼天
際白雲浮

· 喜晴

畏雨擁衾卧蒼頭報午晴尊酒臨釣石杖策上
山城野窄能隨步名花解笑迎掀髯忘世界何
用證無生

· 西園即事

日涉西園下流光換物華
差池風外燕鼓吹雨
中蛙山勢連雲起江流抱郭斜
祇因生計拙學
種邵平瓜

樓閣

莫景惜蕭森那堪歲大侵
有煩身外慮無復谷
中音門急催租吏囊傾換賦金
中宵還兀坐白
月照人心

初夏送玄都道士

湍江蒲葦弄新柔送客西游鸚武洲
日透三關
登紫壁默傳九視上丹丘
萬羊石洞瓊花發
雙雀青田赤霧浮
自咲紅塵馳騫者幾時同
醉五湖秋

沉浮天地久無家
卜得靈岩在翠華
訶護藥
爐惟雀伴遨遊銀漢有靈槎
鵲橋湯灑玄珠露
鹿友耕殘石洞霞
戒六文園多病客
願於歌裡乞
丹砂

齊雲山

臺殿嵯峨迥玉京
班龍紫鳳自縱橫
列真森拱三山小
辰極高懸二曜明
瑤草洞中留雀馭
碧桃花下拂鸞笙
恍然兩掖乘風上
直叩玄闕禮太清

雲端杳杳是琳宮
翠黛盤行幾萬重
高揭碧幢紅日近
曾留淨檢白雲封
蓬萊佳氣標三界
元圃霸光照六龍
笑豕迷途留滯客
幸瞻仙掌玉芙蓉
元宵沈太史以御宴相招賦謝

博雅休文今昔稀
含香簪筆侍經闈
青雲滿眼君先貴
白首為郎豕自非
露滴金盞開夜宴
先生火樹照春衣
交歡未幾憐相別
試問何時薦陸機

寄解見槐齋戎

聖主安邊屬異才
牙旗高捲陣雲開
久知號令風行疾
共道將軍天上來
鯨海波平宜獻頌
柳營月白幾啣杯
鵲飛已墜封侯印
會見恩綸雲漢迴

海上述懷

手握麟符愧不才百年懷抱幾時開纔分甲士連雲
戍又帥舟師破浪來報國祇憑青玉劍臨風豪舉
鬱金杯充前杜若王孫草其柰鄉心日九迴

春夜即事

撩人春色遍天涯古驛停驂玩物華杜若滿洲飛
燕子風烟撲馬逐楊花客愁破為尊前月詩夢
醒目雨後蛙夏世敢憐銷解肉正看銀漢有仙槎

觀馬

金鞵聲敲拂紫韉錦街春暖試龍驤觸翻花露
珠纓濕嘶破江雲赤汗香天路高飛塵攘杖前
独立意昂懸知伯果回眸家卷盡胡天萬里霜
黃將軍遲余于古雷冒風雨航海

虎竹將軍控十洲遲余尊俎共綢繆前籌盡是孫
吳畧晚泛真同李郭舟天際雨來山樹冥海門風
濶浪花浮時人湯訝難飛渡豈識前身博望侯

六齋與王甘二使君

澤國風烟已盡收，經營旌旆尚悠悠。
伏波自是能標柱，道濟何煩故唱籌。
城壘六螯天設險，氣吞三島劍橫秋。
請纓未報君恩重，烈士其如已白頭。

贈友人自天台過訪

君於何處遠遊歸，帶月重敲江上扉。
云自霞城方渡剡，生看雲霧尚留衣。
半園野竹尊初集，一榻心燈夜共依。
莫怪相逢無語笑，十年身世已忘機。

送葉東川明府歸婺三首

客子鳴孤劍，言城寶婺城。
畏途今脫蕙，幽壑可逃名。
雲水詩中画，鷗鳧海上盟。
但忘榮辱念，到處即蓬瀛。

十月君歸路，江毒散蚤香。
逢人多逐臭，到處獨留芳。
貞白存吾道，行藏任彼蒼。
途窮垂涕泗，莫學阮生狂。
客踞丹霞外，西風酒一尊。
世能成貝錦，誰復念王孫。
看鴈愁分影，聽猿欲斷魂。
危濤難駐脚，我亦向夷門。

壽慈雲上人

披緇依淨界，早發四珠光。
甘露晨昏降，浮雲色相忘。

此中無俗障彼岸有意航僧日原無度朝、禮法王

長至書懷

跳丸日月太催人葭管餘驚散玉塵六十四年渾似
夢三千丈髮盡如銀卜來城市堪拙隱幸有烟霞
可結隣徙小亭看物換寒梅已放幾枝春

愁雨

老去懷芳景其如不易逢陰雲蒙大野毒霧障長空
谷鳥爭愁濕林花蚤褪紅可憐一春事都付雨聲中

齋居

蹇足不出門小亭聊避喧看山雲氣繞覆戶竹陰繁
潮漲沙崩岸雨來風滿軒狂心托長嘯清響動平原

送羽衣客之金陵

獸立風塵表來從黃雀樓青霞藏玉劍金粟映星裘
玄妙參無極清風落九州相將無別贈真牧是君儔

春前一日書懷

行年六十還望七頓覺龍鍾雪滿顙萬事消除惟酒

債一生豪放老昆吾
喜看破臘寒毒吐生對浮雲病
霍孤明日春光到
幽谷乾坤原不厭
潛夫

與萬維疇飲永明月池惜別

清池含月護經臺
與客班荆一舉杯
海國壯游司馬志
詞壇元落謫仙才
方於邂逅投心處
何事驪駒避酒末
聚散茫茫真大幻
異時應許寄江梅

從軍行

我行已三年
戎別余萬里
昨日鄰家兒
寄衣忽到此
得衣聊且穿
得書不敢啟
書內訴苦辛
軍中恐解體

送友出塞

走馬黃龍府
觀兵細柳營
連山邊雨潤
平野陣雲橫
松漠懸秦壁
燕支閃漢旌
猶憐趙克國
辛苦築長城
羽檄馳遠海
天兵下朔方
神機分八陣
精彩應三光
轉戰龍沙北
橫行虎穴傍
凱歌歸奏日
重晉萬年觴

元宵內市觀燈

九衢飄桂影
萬戶擁星毬
大對迷春望
烟花勝畫遊

落毒清吹散步輦暗香流此夜天同樂金盞接御樓

懷舊二首

正憶西山麓京華萬里秋虹梯何處接天姥夢中游
屐齒蒼苔沒詩篇翠竹留松門讀書處豹霧半空浮
追遊曾淑浦落日起秋陰山影鳥飛沒江光龍卧深南
書傳上斗北客望遙岑高興冷然散風塵豁素心

寓燕居即事秋日

井梧凋一葉秋信入王畿漸覓燕巢冷轉驚龍火飛

星光寒劍室雨色潤書幃何處來清爽西山繞禁扉

出塞

十月燕支踏冰霜閱歲華漢書傳旅雁羌笛落毒花
邊障烟氛淨軍城塞水斜邨堪都護酒馬上聽琵琶

夜泊聞笛

寒潭秋籟散天機江木蕭蕭下釣磯雲海蛟螭鳴鏡笛
風庭絡緯織仙衣波濤窸窣莫美容冷烟霧玲瓏橘柚
肥好是珮環曾入夢曉來人訝月中疑

送友持節歸省

梅花驛路百花香望春雲近北堂迴馭獸持金馬詔
倚門人迓紫薇郎仙杯細引流霞滿宮錦新裁舞
袖長惟有西池多喜氣當堦玉封更成行

萬壽節

積雨鳴渠暗度花公庭深鎖淨無譁雲寒宝鴨烟
仍濕月上銅龍漏轉加細首舍風聞白羽踈簾隱炬
吐紅霞懸知五時多釐祝萬壽添杯薦露華

齋居喜雪

深夜寒爐煖未消書幃兀坐興偏饒三農白雪豐年
兆四野元雲竟日飄天斗玉衡還自轉海邦金甲為誰
銷仙翁好句憑吟咏便覺陽春散鬱察

送王大司馬致政并賀新居

王公弼繼津

霜威卜築白雲端轉憶江湖聖澤寬高棟新聲來燕
雀平軒佳氣足林巒軍麾嶂嶺三年別鵠翼晴煙
萬里看經濟舊書堆滿架笑鋤春雨種新蘭

萬竹居

窗窈城西萬竹林高臺門聽鳳皇吟
驚人石上王孫句愛客尊前公子心
龍章長瞻還徙倚烽烟盡息此登臨
江流莫問前朝水醉眼烟花識古今

城上江山勝古今楚天樓閣任登臨
星槎八月浮銀漢霓羽千年下碧岑
岸磧野煙橫吹遠龍沙淺渚罨杯
深太平經國須元老徽丰憑欄五夜心

登雄威臺

空王臺北石城尊臺上憑虛望遠村
吳地烟花連海徼楚天樓櫓到江門
龍蟠自是長居鼎螯柱寧勞再轉
坤醉眼斜陽還徙倚閩河百二共誰論

齋居有感

庭樹生雲趁雨風滿窻寒色透簾櫳
人憐晷隙頭還白天寫秋容葉更紅
三徑久荒頻入夢百年強半蚤稱翁
何如湯飲柴桑里身世長教似轉蓬

初春東友

一月江城遣俗紛春園几杖嘆離羣
蘭亭酒翰違心賞金谷啣盃阻夕醺
架擁鮮薇紅欲雨以離穿老箏翠成雲
琴尊莫歎青春約况復啼鶯滿耳聞
七里平溪繞近廬村南村北畫藤蕪
夢勞幾許飛蓬海恩重真憐賜鑑湖
朝飲仙翁桑落酒夕游神女夜光珠
移舟况是同心客吟弄烟波嗽玉壺

宿白亭山房

曉起洞房日數竿眼前幽興湧憑闌
月明雀唳湖雲靜斗轉龍光劍氣寒
天遠峰巒真疊壘地窮松檜肯彫殘
蒼生自合歲丹鼎碧落何人更羽翰

訪友

三年不到水雲居此日相看摠豁如
投老真隨彭蠡應為官但食武昌魚
尋山却愛携朋輩閉戶何勞賦子虛
獨有鳳雛酬世德仙藜夜爽閣中書

新秋

江潭五日雨新秋蚤曉林皋晚更游
月白已知金海冷

天高應任火星流
亂雲遠岫抵青玉
架壑長松偃翠虬
極目稻花香十里
野鷗多處弄漁舟

送孟季炸見訪東歸

有客抱琴庾嶺來
係帆明日又重開
竹枝還唱巴陵曲
林影且浮河朔杯
書度額雲將去應
夢迴江雨折窗
毒太行驥足淹寧久
天路應須騁異材

暮泛

暮泛東湖雲雨垂
風流偏憶習家池
高臺瀟灑烟中塢

別艇依微柳外波
鶴雀倦飛天浩蕩
魚龍生色浪紛紛
披千門灯火城頭轉
笑對王孫引玉卮

用楊儀部韻別玉几山人

客子悲行役金韉逐
曉氛烏散嬌似管
草色密於雲詩社盟
初締離亭手重分
含情驅去馬望眼隔
斜曛

苦雨

日暮簷花飛溜懸
苔生堂室竈無煙
憑誰試問調元手
去石何時補漏天

題賽喬芳館

天遣喬媼號好逑曾違璿浦下江州可憐魏武憑吳日銅
雀空思鎖舅柔二妙駮鸞歸洛浦高臺寂寞莫迴春秋
定知妖艷難終秘勾化于今駐玉樓客華鞞睥欺堯李
不嫁孫郎不適周一顧端能迷下蔡千嬌原是擅燕幽未
餐松屑香疑染淡掃娥眉翠欲流玉硯吟春教鸚武
朱絃調客奏瑩簇蘭心嬌媿偏貧矣玉笋纖長試點
籌五峽夢迴猶滯雨翠盤舞罷却含羞蕭郎不是

忘歸者為有佳人號莫愁

贈王瑞雲詞洞僊歌

長安遊客被天風吹入珠宮紫極笑挾秦娥共栖息不知
今夕何夕麗質羞花仙牛振漉西、連城璧夙緣曾
締丹鳳彩鸞連翼 倚幃春似海百媚千嬌消息盡
相思此愁臆魚水投情始信人間樂事端在衾席香
汗流蘇怕聽鷄聲傳紫陌若問春宵多少價千金

蕭娘 拜星月慢

東風軟、麗日遲、九十春光過已半。玉樹瓊枝交映，
綠姝庭院。叩雙扉笑迎驚覩。如花面自是柔腸撩亂。
漫說道司空見慣。青樓不數，無傳華堂。簫鼓開芳
燕。春戀永夜清歌，恍覺鶯聲初轉。都總是曲裡傳
幽怨。良宵永正酒闌人倦。偏宜雨潤雲溫。身在瑤池
西畔。

謝翠翹 意難忘

旖旎新妝看玉為素。頰柳染霓裳。花間飛趙燕。座上
有周郎。相見處。意難忘。乘月過東廊。鳳幃中。偎紅倚
翠。別是風光。一宵春兩。照床把百年心事。細說何妨。
欲寄盤龍鏡。先分韓壽香。青黎照夜未央。波翻翠
被浴鴛央。須記取枕約盟誓。地久天長。

中秋花庭賞月

一年秋色此平分。雲陣飛殘。玉滿輪三五。晴光窺綺
戶。十千高價。買清尊。繞庭金粟香初度。傍水芙蓉

開漸勻便欲乘鸞探兔兔王生鶴背未須論

夏日東霍山蛟門二兄

一夜朱明入翠微
繞庭槐柳綠偏肥
愁纏病骨頻推枕
風捲晴沙倦戲扉
春事已隨青鳥寂
鄉心時傍白雲飛
才疎自分甘違莫
詞客誰能薦陸機

王司馬惠扇詩以謝之

前林青鳥無聲候
愁夢初回晝漏長
拒百莫難傳厚錫
殊方反影出玲藏
一時披拂清飆滿
八座徘徊皓

月光遙憶北堂煩
暑近萍踪那得似
黃香

舟中次王大司馬韻

春風彈劍待君侯
未數登仙李郭舟
江右經綸培地肺
淮西勛業等浮漚
龍旂高拂山雲繞
虎節遙臨海霧收
整禁正資調玉鉉
湯云東郭似丹邱

送程樂松任南陽幕府

東風零落似劉蕢
龍飲彈冠又送君
迢遞江關遙別袂
萼葱烟樹隔斜矇
腫衡川佐理新聞
幕天祿程

書舊有聞豪傑不須嗟下位早看飛鳥上燕雲

樊心齋有鳳臺之咏以志愛詩以嘲之

蕭史弄玉久已休高臺突兀烏雀遊威鳳一去難復
返惟見湯、弱水流神女不行巫峽莫太真空泣馬
冤秋輕裙翠黛鏡中影笑倚大鵬遊十洲

送友之官

高標數載客長安捧得新符上木蘭龍劍正隨花日
百羅衿猶怯柳風寒憐君夙抱懷蛟學應此真同卜

故九昭代掄才無巨細好馳聲績慰余歡

美人號

幽亭高敞鬱嵯峨春滿西池雨露多金谷一區藏艷
質玉芝千朶並文娥可容謝眺看花屐不是單于放
馬坡我公來分半眠柳恍然身處近銀河

春日客居

昨日看梅樹春花已自生今朝聞春鳥何啼三兩
聲凍解池開綠雲川天半晴遊心六應動為尔欲

逢迎 春日

梗泛萍遊莫浪嗟
一年剛半在天涯
朝、身世總為
客夜、夢免原在家 客居

歌妓

美人嬌麗並花枝
得見還嫌相見遲
一曲新詞傳客
恨慙勤頻進紫霞卮
香吐娉婷玉樹枝
交輝春日正遲、擷芳無限簫郎
意好向琪園醉一卮

十四夜雨

山城處、擬懸燈
豈料翻為風雨聲
但得長明燈自
在何須此夜計陰晴

半日間亭與諸縉紳談舊

拂衣重上半閒亭
故友相看雙眼青
白日笑歌還達旦
衣冠原不愧山靈

聞嘲

浮雲蒼竹共蕭然
渴飲饑餐倦即眠
遮莫里人相

語笑俸餘不購買山錢

其二

何用金丹駐俗顏任渠鷺序與鴛班濁醪浮向湏臾
醉高卧雲山蒼翠間

留別

金谷娥眉一笑逢風流陣裡共聞鐘烟花愛爾多真性
雲水憐予無定踪弱柳似牽離別意羅衿不禁泪痕
重此身難及盤龍鏡日夕粧臺對玉容

即事

清夢迢、錦帳春崔徽元是意中人香生梨頰嬌還
麗羞展娥眉淺帶顰待月有期渾忘寢惜花無語
倍傷神仙郎不減張京兆湯與調朱點絳唇

送旋川之徽郡

兀突靈岩挿髮源勝遊仙子獸乘軒江城風煖千花
麗官道春深萬鳥喧才並翁歸元有譽民歌定國自
無寬彩鸞豈是常栖棘丹穴脩翎看遠騫

送

十載狂憐一劍雄
京華清嘯欲吞虹
名傳北闕飛雙鳳
旆指南陽訪卧龍
滿目春光圖畫裡
一尊山色有無中
明公新政追黃霸
好樹微猷佐下風

歌風臺懷古無憶韓淮陰

寥廓風雲泗上亭
狂歌擊筑久無聲
三章已喻閩中約
四海原從亭上平
大澤楚猿亡夜渡
深宮呂雉正晨鳴
蚤知猛士能為守
得免休將走狗烹

送顧岐竹進萬壽表

官道金飈滿
綉旂壽章躬
奉上彤墀六龍初
駕堯天近萬國來
同舜日熙共見祝
嵩華要泰運具瞻
聖協昌期若於宣
室詢民瘼為道今
無平土居

次韻酬震蒙并

塵世升沉六十年
歸來陶徑老雲烟
敢云海上新添算
不計人間未了緣
玄窟啄殘林杪露
寒蛩嘶斷夕陽天
東山勝賞堪同醉
斗酒何須玳瑁筵

次韻感遇

每思牛渚馭霧槎
踪跡猶埋洞府霞
藝苑止餘衣蔽
肘良宵會夢筆
生花蕭條長劍
霍龍偃搖落西
風萬柳斜何事
阮公勤頌目祇
憐千里客無家

送种方塘市舶考績

長亭祖席薦飛瓊
明媚韶華送客
行日上柳堤千
樹煖霧收雲浦
一帆輕湯將嘉
政傳碑碣先有
芳名記御屏唱
罷陽關即千里
寸心都已逐懸
旌

用鄭山人韻寄解見槐叅將

聖王安邊屬異
才牙旌高卷陣
雲開久知號令
風行疾盡道將
軍天上来鯨海
波平宜獻頌柳
營月白幾啣杯
鵲飛已墜封侯
印鳳喙綸書碧
漢迴

登振武臺

高臺突兀倚江
濱有客登臨對
夕曛料敵昔年
曾振武保釐今日
盡脩文直驅暴
鯨八千里尚擁
文犀十萬軍生
久便忘歸路晚
平行步、有青雲

紅梅

玉人斜倚珊瑚屏，渾疑仙杏花滿庭。
天孫憐素錫，雲錦冰肌玉骨春。
芳凝溪邊垂一樹，發誤使渙郎來。
武陵低頭欲舞若，沉醉半月東風吹不醒。

送大司馬王繼津之留都

旌旆搖，出北平金陵王氣望中橫。
十年一壑成高卧，八月三遷荷聖明。
官道風霜開玉節，岐亭絃管禱春鶯。
此行整頓乾坤了，還聽星辰上履聲。

贈元都觀道士

塵霧漫，悵此生會逢仙侶一班。
荆養元為我談真訣，多病從君乞異評。
玉粒金沙頻轉制，吳門越水任縱橫。
予今白雀乘風起，候到蓬萊第五城。

壽林遜齋七句

錦里逋仙正七旬，斑衣瑤鹿對芳辰。
曾將藥裏回勞瘵，肯以塵紛役性真。
天外青鸞初益美，尊前玉律已生春。
狂予不盡南山祝，醉寫新詩素主人。

輓董渙溪

判袂溪亭歲聿更驚看碧漢殞長庚滿門桃李追
先哲棟架圖書啟後生華表雀歸孤月白香山社
冷暮雲橫高枝未挂吳門劍愁聽山陽笛裡聲

題張春宇大夫山房

季膺才思總翩、卜築青山了俗緣千畝盡為栽竹
地一官贏得買書錢虛亭午夢驚蝴蝶淨几春風
草太玄老吏每來箕踞話不妨簪弁滿雲烟

代葛心塘

碧山高士解塵氛一卧清源迥絕羣日月於人真過
鳥紛華惟爾等浮雲漫追陶令開三徑却喜延之
詠五君心悟太元終玩世北山何必更移文

代管升暨

後、餘生苦世氛潛居非是愛離羣芒鞋步月凝清
露石室牽蘿殫白雲靜息洞中看野馬行吟川上應
山君京塵念我頻馳驟何日巖扉一論文

壽七十

客子願元學種瓜清溪白石上僊家星橋此夕聯嘉
會海屋清秋添歲華望石畔呼千載窄憑風欲引
七香車憐余欲効封人祝長對靈薦紫霞

贈李苔山六景

纫蘭

拂袖歸依玉洞寒探元藉卉足清歡何煩蓬海三珠
樹獨珮雲皋九畹蘭幽意綢緼隨窄杖異香披拂滿

闌干翛然楚澤高風在不逐紅芳汗鵲冠

芙蓉

嬉游陸海羨長房匝岸芙蓉相對狂瀟灑向秋偏媚日
低昂飾月慣凌霜千峰蒼翠添秋色一鑑清漣漾晚
芳移酒傍花拚大醉却疑身在錦官鄉

梅松

家傍羣山積翠螺伯陽高卧養雲和虬枝不為冰霜
改密葉偏承雨露多贏得盤根探地肺儘將鱗甲

挂烟羅盤桓漫撫天風動恍覺蒼龍翻海波

次白野陳公壽

諱頤正

過鳥流光七十年共憐抱璞老風烟論文在昔稱三益
飛夢有時登八天筵沸歌聲青玉案窻蜚華蒸白雲
篇義門本是餐松者洛下何須二頃田

青春載酒一相遇湯惜春光老去何伯道自能延永筭
碩人曾不忘盤阿欲知浮世玄：理試聽仙儔踏：歌
自許風流同小謝東山一任醉顏酡

黃明府奏績

吳年射策上明光帝遣分符三孝鄉風雅直追黃叔
度治功不讓漢循良民餘襦袴謳歌起化洽湖山草
木香奏寂竹膺宣室召好攄忠 翼垂裳

館中

孤館清如水朱明重感嗟人生幾寒暑而我久天涯
繫帛憐無鷹挑燈空有花子規休淚血愁夢正還家
壽慈雲上人

七十名稀壽悠然見遠公談經聽老雀洗鉢起潛
龍寶樹光偏碧玉蓮燈自紅霧山應尺五何用語三空

劉西湖公遣問作詩謝之

飛劍飛津上啣杯石壁前壯懷非惜別泪眼忽如泉
奇樹留清爽斜陽聞辭蟬慙勤勞惠問迢迢隔風
烟雲夢曉輕短桑田任變遷擬沽燕市酒同醉五雲天

齋居即事

露翻桐葉午日上桂花初日昏昏憐駒隙秋容在草

廬民風成小補世故却全疎自請無長策競、畏簡書
贈羅西泉僉憲誕辰

冠峨豸角正握紀外臺分符海嶽弓掛扶桑劍橫天
柱掃淨妖氛寥廓折衝尊俎干城談咲從容幃幄瞻
依處荷天眷忠良金湯永託喜金烏初上瑤虛玉
案傳仙樂奠安元黎一清寰宇須仗英賢經畧鯨
鯢遠遯洪波鸞雀長鳴碧落江東小紀績太常圖
形麟閣

南安道中聞四鳥言因絳其義以志感

苦々苦衣纓之戰猛於虎咲口懽顏共尊俎机穽弓刀滿
胷腑遺臭千年李林甫鄧通餓死韓彭脯勳名珠
玉成塵土機械權謀竟何補寬々相報無今古速報
司前有囹圄這其間苦々々

不如歸去人生提似風中絮又見槿花委朝露眼前
輕薄爭相妬竭節承顏末 氣松之徑徐々步薄
田耕獲供朝暮五柳衡門美無度臨池覓句皆天趣

勸君家不如避去

送張練

客有仙遊侶兀坐啟元闕探璿旋轉劍倚斗星間况
有子毋錢成君臣藥在良夜跨青鸞吹笙遊八荒拂
度三山 又何妨呼玉女視金丹日月真精昔乾坤
玉髓完靜裡原通橐籥甘露漫凝珠泰龍席自盤旋
飛身棄霧靄赤脚弄潺湲

壽

屏開雲母集蜚英篆象裊安香繞醴醑丰巖便是
人中仙湯道靈壽添海屋、日初升青藜光似燭
我亦仰清風霞天獻遙祝梅英歲、紅長春庭下人
如玉

題白兔

微猷大烈喜玄造浮英坤靈昭洩神物並生瀟灑素
毫霏雪盡是蟾輝凝結耀丹霞瓊瑤玉屑饑餐
貝闕紫芝渴飲天池甘冽 瑤虛光徹正六合馳遊

虎豹遁形鬼神呵列歲洽千齡時馭彩雲萬疊端
是呈靈獻瑞偏宜向玉樓銀闕馳靈囿濯、吻、願
皇極永貞元吉

贈王彩瑜

二八懷春女名花色並妍姱容真宋禕梨頰埒韓嫣
帶笑搔青髻含情理素絃自多妖冶態知傍阿誰
邊逸少題紅葉芳辰締夙緣獻珠東洛浦種玉湍
藍田蘭畹分香夜綃幃無暑天低聲附耳語弱

質望君憐遠意浮輕汗貪歡墮翠鈿玉人方繾綣
金屋貯婁娟寄語幾、子今非獨自眠

閨情

自君之出矣歲月驚轉丸思君若紅日、近長安春
風長金桂夜雨潤柔蘭香飄紅菡萏玉振青琅玕
物色驚時變能無懷所懽懷之欲奮飛愧無凌霄
翰一去消息斷幽閨愁萬端零落釵頭雀消滅鏡
中鸞不念妾心苦當憶親闈寒清風翻繡幌白日

橫雕欄耿介不成寐燈青更復殘、燈明滅泪眼虛
漫又恐傷親意啼血偷以彈乍見流火大應念
客衣單又聞去鴻便罷粧剪羅紉長短一如昨身
裁知更難知君抱鄉思定覺衣帶寬躊躇期稱
體對此發長嘆吮毫一揮灑詎能悉中丹景光易
西逝願得促飛鞍晤期曷云遠努力還加餐

王繼翁應召

繼津

乾符開景洽昌運篤忠貞霸秘鍾崧嶽文章貫

斗庚芳齡凝物色筮仕定佳評德耀鶴鷺集成稜
鷹隼橫鳳池飛振鷺虎禁見遷鶯官轍通寰海
雄名紀御屏遺棠徵爰育攬轡識澄清惡草空
格毒青蠅豈玷珩子明原被寵德用早知名節概真
驚世韜鈴復主盟九天分虎竹萬騎擁牙旌雷動陰
山北風清細柳營黃沙消斥堠紫塞兀長城奏凱登
樞密迴潢洗甲兵帝心方倚弼親壽復櫻情叩閣
頻抗疏歸省沐殊恩錦袖娛黃髮雲和進紫觥椿

庚子此字錄時仍
大日不敢忘易

枝遲永晝槐蔭滿雕楹綠野風雲合蒼生屬望并
台垣需碩輔綸命下神京身與杉榆遠家緣社稷
輕文犀開鴈影寶劍作龍鳴天表瞻佳氣雲衢動
履聲笑談寧宇宙經濟答昇平建極承天眷黃
圖拜上卿百僚師景曜聖主待持衡

送費靜高還苕溪

之子苕溪彥末調宓子琴清浮波上月香度幕中
蓮政已稱三善人皆歌二天偶興尊菜想遂動楚

江船千嶂孤帆雨荒村萬柳烟青蛇嗟往事過隙惘
流年仕路崎嶇久稀齡歸去便歌邊青玉案吟底白
雲篇即是長房術何須負郭田羨君能乞老愧我
漫談玄相別兩相憶秋風鷹可傳

送黃樓 教華亭

升度倚仙輶圖書屬壯遊乃翁衣繡豸之子氣吞牛
擺蕨雄秦漢盤匄貫索邱烟霄何鍛羽骨相少封侯
問字風猶古傳經雪尚留海濱時雨洽桃李異香浮

天上新傳檄雲間一駐駟文章移北斗峰泖擅南
州執手嗟遐別擎尊起暮愁懸知萌鄙吝故爾暫
夷猶三疊驚驪唱羣公擁道周雲停千里 鷹落
一聲秋延浦龍神合金臺駿骨收君方馳玉路我欲
老滄洲無意聽華霍何緣泛剡舟江梅應可折頻
寄隴西頭

贈宗古愚瑞麥歌

紅亭王者圻壤僻民由頤嗟彼襄陵勢橫浮失地

維頻年舞河伯又若騰蛟螭元々盡艱食且莫平土
居九重軫痼瘵簡士撫黔黎明公天下士文輝凌斗
箕慷慨奉朝檄德星臨四陲冰壺埒清椽乳膏流
惠慈殷勤問疾苦猶已溺與飢汰奢薄征歛公庭
慎鞭笞月明馴雉集霜冽狡狐悲俄頃見功化奚俟
年及期買牛捐佩劍綠野勤耕耔皇穹赫昭監農穰
因寵綏際此清和候年麥同離々乘風捲長浪一穗
三四岐未數張堪瑞應並霍鴻壽玉粒春烟雨瓊采
供暮炊里閭自康樂遐迩歸流離史翰書大有載踞
馳口碑五袴喧聲蕪中臺荐牘馳御屏紀名姓劍
履上彤墀大展康時業元功佐舜衣

次撫臺韵送王總戎致政

射策登金闕揚威閉玉關乞身柳林下靜聽烏綿
蛮鍾鼎功何偉林泉興獨長夢迴征戰地猶自陣
堂文武無雙士恣情雲水間芳踪誰與並安石在

東山

題九華山

九華呈地肺岩岫與雲連紫壁開神斧層臺聚列
仙霞深疑隔洞古足怡玄已近三天界應消九視烟
萬羊眠白石雙崖下青田花氣凝袍袖鶯聲韻管
絃功勞經世客何日謝塵緣

平和視篆適逢除夕有感賦此

改歲淹岩邑流光惜逝波折毒浮玉液爆竹照銀
河愁病誰能遣痴歎我獨多好遊家萬里未老髮
蹙晴此夕憐窮臘明朝喜太和陶然消萬感醉裡聽
絃歌

黃明老績

翩黃牂度捧檄令明城製錦才何富烹鮮政自平
月明馴雉集霜肅狡狐驚善李緣蹊實甘棠匝地
榮每思循卓剡首勒使君名鳳翮揚嘉績龍章褒
所生懸知難借寇聖世待持衡

賀陳韋齋連獎

浪携玉劍翠華遊，避昭當年陳太邱。
棘地何如栖彩鳳，壯懷元已食金牛。
霜臺奏績傳三檄，循吏推君第一流。
此日求賢方破格，徵書飛下六龍樓。

送會元田公

堯天遲日融南陌，岸柳江天呈麗色。
隔柳鶯聲絃管繁，雙旌披拂江雲赤。
玉堂學士賦遊征，收得春光滿肥臆。
學士原鍾斗岳竒，探盡黃初歷東壁。
夜接雞談筆吐花，文錦天機工組織。
蚤踏金鰲登玉墀，四海壯夫皆避易。
玉墀奏對三萬言，駕軼天人治安策。
金莖賜露天寵優，館閣燃藜夜光碧。
校書天祿氣何雄，硃墨精詳古遺直。
含香簪筆侍經綸，獻納時對君膝溫清。
幡然繫遠思，乞得南還奉晨夕。
重慶堂前宮錦翻，捧日每瞻天咫尺。
又乘金馬上長安，宣室應前聖人席。
葵心的，契宸衷，八座三台快登陟。
舉頭莫望太行雲，而祖而翁壽平格。
濟旱弘敷傳說霖，補天不用女媧石。
調元八表盡

回春弼亮垂裳千萬億

題鮑遜庵郡丞山高水長卷

九龍疊嶂何岩峽壁立萬仞干青霄長劍波光漾星
采百折千迴赴滄海山川流峙無古今南州高士少知
音漢水豈從西北走更問冰山今在不世人誰不羨
紛腴志抗浮雲鮑大夫、霸秀鍾川岳壯年手射黑
鷗落敬庵中外蜚賢聲佐郡鐔南歲兩更卷幔九
龍憑作几渴來惟飲獲溪水峻節崑崙惠澤深

鐔南黃白盡傾心大夫姍世空遐驚軒冕珠璣摠塵土
抗疏陳情蚤挂冠幽踪放浪海天寬安陽春色供詩
景月白濠湖移釣艇靈蛇姹女竟如何乞得閒身保
太和萬疊烟霞開石室林下于今君見一孤標端合
並屹嶺一柱可以迴狂瀾尊酒離庭暗雲樹攀臥
無緣憐去住富春山下漫揚舲山水蒼茫照客星
今日延陵大夫去清風不愧昔嚴陵

贈龍元扈郡丞之南戶曹

龍公諱德孚

誰道明公是懶龍，為霖已遍海之東。
春榮苦李皆垂實，威震扶桑蚤挂弓。
匝地崇陰歌台伯，一天化雨仰文翁。
山城再設金湯險，寶峙新開宮誠徹。

九淵浮恠石，瑞蜚五采曳長虹。
臨池書破羊欣練，愛客尊餘北海風。
元理迫、輕貴達賢聲，藉、動宸聰。
司農自昔稱邦計，廉吏于今推我公。
依怙方深三孝里，恩綸忽下九雲中。
兩都快覩朝陽鳳，萬姓難攀遵渚鴻。
祖道贈鞭行色壯，江亭惜別故情同。
時憂西北征輸急，其奈東南杼柚空。
寂是痼瘵櫻素念，好紓籌策佐重瞳。
公餘如有并州思，頻寄雙魚到釣筒。

卷之三



卷之四